

清宮史續編

章炳麟

清宮史稿
卷之四

國朝宮史續編卷之六十二

宮殿十二

西苑一

臣等謹案古昔苑囿之設。類騁遊觀。無與實政。我朝之有西苑。循金元明以來舊址。重以國家百數十載延美承平之澤。時敕奉宸量如葺綴。無大營造。周不越十里。接宮垣不遠百步。地連爽塏。居尙樸構。間有金碧丹雘。以崇勝概。供臨幸。要皆大典禮之所關。非僅爲對時彌性。塗飾耳目於一時已也。原夫列聖相承。握勵精圖治之本。自仁祖親題勤政殿額。昭示來茲。憲皇繼序。恒莅此爲理事晝接之所。洎高宗御極六十年中。奉慈豫者逾四十年。慶武成者贏十次。每法駕出入苑門。外藩侍子。異域降人。踵蹕謁覲。無虛歲。至於演耕弄田。浴蠶溫館。首以敦勸農桑。協因時創制之宜。又如時應之籲休徵也。悅心之塵盥食也。韻古以定樂也。三希以考文也。馬射重材武也。冰嬉課勞勩也。茂典迭陳。不可勝紀。塔山瀛海之間。實無往非大聖人單心宥密所

見端。而非幾暇優游之所可虛託者。迺至宗人執醕。詞臣侍讌。征帥勞還。名王上壽。歲時譽處之恩。率常霑渥於此。又豈甘泉上林之所能比擬萬一乎。
臣等續輯宮史。循前例誌西苑一門。鋪敘自勤政殿始。伏讀皇上御製勤政殿記。勤政箴。仰見紹述心傳。闡爲經法。臣等既敬登聖製勤政殿詩之次。而於兩朝詩文之關繫典則者。謹擇要臚載。用徵聖揆之同焉。

西苑在西華門西。門三。東嚮。榜曰西苑門。入門。即太液池。源引西山玉泉。從德勝門水關達後湖。入苑。滙爲巨池。周廣數里。上跨長橋。脩數百步。樹坊楔二。東曰玉蝀。西曰金鰲。橋北爲北海。南爲中海。又南爲南海。即瀛臺禁地。此液池之勝槩也。由苑門循池東岸。渡板橋。折而西。臨池面北。門三楹。榜曰德昌門。左右朝房各三楹。門內北嚮。正殿五楹。聖祖仁皇帝御筆扁曰勤政。高宗純皇帝御筆聯曰。常切單心歸宥密。每懷勅命凜幾康。

聖製敬題勤政殿詩

辛丑

勤政額康熙年陳考莫知。

此扁爲皇祖御書也。莫知爲何年御筆也。

幾閒雖一豫。政要切疇咨。兩字

楣端揭。千秋家法垂。山莊及御苑。一例永欽茲。

圓明園勤政殿爲皇考御筆。是萬壽山香山及避暑山莊勤

政殿皆余恪遵家法一例書額

聖製題勤政殿詩

甲辰

勤政爲君要。此言孰弗知。存中外達者。以久敬從之。察吏安民際。深居獨處時。

名言憶光武。樂此不爲疲。

聖製題勤政殿詩

丙午

御園及山莊。殿胥勤政名。

是處檐額皇祖所御題。其圓明園萬壽山清漪園香

實數典於此

數典實於茲。皇祖額煥楹。敢不勅天命。敢不念民生。戒忽忽以怠。勿察

察爲明。寄言聰聽者。經權在敬誠。

聖製題勤政殿詩

癸丑

奎章兩字示千年。敢弗欽承家法傳。遊豫處無不題額。

是地勤政殿爲皇祖御題。圓明園之勤政殿爲

皇考御題予於清漪園靜宜園及避暑山莊皆
遊書是額蓋家法相承雖遊豫之處弗敢忘也 旰宵時永念仔肩。幸看歸政三

歲近。仍慮倦勤半九延。用顏真卿
坐位帖意 猶日孜孜慎晚節。聰聽奕葉勗斯綿。

御製勤政殿記

我皇考於理事正殿。皆顏勤政。誠以持心不可不敬。爲政不可不勤也。六十餘
年。身體力行。垂教後嗣。子孫臣庶。觸目警心。知所效法。永保無疆之祚。常警怠
忽之念。予小子敬承大業。夕惕朝乾。無時或懈。蓋天下至大。惟日孜孜。恒恐不
及。若聽政不勤。或勤而不加審察。則叢脞隨之。流弊滋甚矣。夫敬爲勤之本。惟
敬勝怠。心主於敬。則無時不提撕警省。所謂清明在躬。氣志如神。遇事洞燭。見
理精詳。雖克勤而不覺其勞。無所用其勉強。從容中道。心主於敬之功效也。自
天子以至於庶人。皆以敬勤爲立身之本。君勤則國治。怠則國危。臣勤則政自
理。怠則政不綱。爲學不勤。則學業無成。力農偶怠。則田功必棄。以至工商賤業。
事雖異而理則同也。然勤政勝怠人所同知。彼好逸厭勞者。皆心不能主於敬。

故不勝怠惰之念耳。我朝家法。無一日不聽政臨軒。中外臣工。內殿進見。君臣無間隔。睽違。上下交泰。民隱周知。視前明之君。深居大內。隔絕臣工。竟有不識宰相之面者。相去奚啻霄壤。朕承考訓。曷敢忘敬勤。曷敢耽逸樂。一日二日萬幾。至繁且重。內而六部九卿。外而直省大吏。誠能夙夜在公。存心匪懈。各勉敬勤。匡予不逮。衆志成城。何患不治乎。若心存懈怠。自耽安逸。惟知尸祿保位。國計民生。漠不動念。則政事廢弛。其害可勝言哉。故書此記於殿壁。旣以自戒。兼告諸臣。庶幾永持此敬勤不怠之志。仰副我皇考垂示後人。立身圖治之大經大法。期共勉以毋忘。是予之至願也。謹記。

臣等欽惟我皇上旣成此記。復親灑宸翰。懸御園勤政殿東壁。地則先聖後聖之豫遊。文則中外大小臣工之咨儆。別有摹搨分賜之本。臣等謹數典於西苑楣額。而以斯記與御製勤政箴並著云。

御製勤政箴

爲政在勤。勤則不匱。建極寔區。凜承主器。一日萬幾。曷敢暫置。居敬開誠。殫心撫字。宵旰不遑。永勵此志。誕告百揆。敬共爾位。亮采寅清。竭忠盡智。務抒大猷。毋憚小累。致君澤民。夙興夜寐。一德咸孚。欽明光被。勿耽晏安。日就怠棄。弼予一人。勉圖郅治。

殿後。面南。曰仁曜門。又南。渡橋爲瀛臺。平隄石欄。歷級而登。有閣北嚮。聖祖仁皇帝御筆榜曰。翔鸞閣。廣七楹。建相風金鳳於屋極。左右建樓迴抱。各十九楹。閣後樓。東曰祥輝。西曰瑞曜。由閣而南。爲涵元門。門內。東嚮。爲慶雲殿。西嚮。爲景星殿。正中。南嚮。爲涵元殿。高宗純皇帝御筆扁曰。天心月脇。

聖製題涵元殿詩

癸巳

趨臺貽勝國。庭樹百年枝。古殿臨中正。新題易杲楣。舊名香辰殿。乾隆辛酉易此額。瓦陰餘積雪。簾額煦春曦。物物涵元化。欽哉茂對時。

聖製題涵元殿詩

辛丑

一元涵萬彙。斯殿更涵元。義若符乾德。心因企善源。況當春以始。願闡福之門。

實政祛虛語。十行寧靳恩。

每歲新正頒發恩旨展賑
蠲緩加惠羣黎以普春澤

聖製涵元殿詩

癸卯

趨臺宮殿建前明。即境還因間

去聲

易名。每至涵元思乙乙。仰欽大造德生生。四

時消息由他運。萬物色形祇自呈。一部義經注於此。曷哉惟是體乾行。

聖製題涵元殿詩

乙巳

涵元義寓涵元氣。元氣之涵豈易言。必也已私淨以去。乃能天理靜而存。試看

卽景春將發。都契無形道作原。可不對時物思育。寧徒依例詔頒溫。

聖製涵元殿詩

戊申

朶殿趨臺中。勝朝規制崇。

西苑創自前朝今瀛臺上之涵元殿諸處皆仍其舊
至迤北之豐澤園惇敘殿各處乃康熙年間所建迤

南之淑清院寶月樓同豫軒
一帶則又乾隆年間所增也

乘除餘想像。景物漸沖融。且勒楊稊綠。已薰梅萼

紅。貞元消息處。橐籥具鴻功。

國朝宮史卷之十二
聖製題涵元殿詩

壬子

趨臺中正殿。題額曰涵元。即景春方孟。會心道與存。陽舒氣以始。仁實政之原。
一念周九寓。吾民可被恩。

東室。高宗純皇帝御筆扁曰。含經味道。聯曰。四面波光動襟袖。三山烟靄護壺洲。又聯曰。風篁叶韶濩。雲樹靄蓬壺。又扁曰。澄觀朗鑒。又聯曰。精神山水萃。義理知仁該。又聯曰。於此間得少佳趣。亦足以暢敘幽情。又聯曰。飛躍天機適。琴書道趣生。殿東爲藻韻樓。聯曰。湛華饒水木。挹韻在琴書。又聯曰。春色芳菲入圖畫。化機活潑悟魚鳶。又聯曰。琴薦墨壺都帖妥。天光水態儘沖容。西爲綺思樓。聯曰。四圍悅目皆仁智。一晌會心有縹緲。又聯曰。啁樹春禽彈舌綺。友松古鶴泯心葩。正北相對爲香辰殿。

聖製題香辰殿詩

甲午

冰牀過太液。香辰坐春初。銅旭窗明暖。芸編几淨陳。詎惟資博物。要必始修身。

佔畢少年處。誰爲刮目人。

聖製題香辰殿詩

丙申

十五讀書處。忽忽五十年。縹緲若有待。學業祇依然。慚愧誠多矣。殷勤欲勉旃。於中稍得力。弗蹈自欺愆。

聖製新正香辰殿詩

己酉

香辰勝朝殿。趨臺一併留。北由本平地。南俯却層樓。翰墨因心靜。景光隨意投。

迴思讀書此。六十閱春秋。

雍正甲辰皇考命予讀書於此不覺已閱六十餘年矣

聖製香辰殿憶舊作

甲寅

香辰名原題勝國。甲辰曾此作書寮。

香辰殿乃明時舊名雍正二年甲辰皇考命讀書於此時予年方十四僂指倏已七

十餘年在萬流光宛如昨日

年方十四似昨日。歲閱七旬得幾朝。猶故依然增我愧。成何惕

若祇心焦。願希天佑歸政近。

計至後年丙辰歸政近餘兩年彼時得息仔

閒讀

芸編勉盱宵。

聖製香辰殿有感詩

乙卯

舊蹟溯前明。殿仍香辰名。丹青縱葺染。堂構弗增營。

是殿係前明舊蹟。殿額即仍原名。蓋歷四五百年之

久矣。丹雘黠駁之處。不得不量加脩飾。然未嘗別有增構也。

志學讀書處。

予年十四五時於此讀書。始能詩。

吟詩壓韻生。即

今耄耄矣。所就竟何成。

香辰殿東有室三楹。北嚮。扁曰。溪光樹色。聯曰。圖畫叅生動。詩書閱古芳。北接

三楹。西嚮。扁曰。虛舟。聯曰。閒雲入窗牖。清露滴梧桐。又聯曰。心澹水木秀。興幽

魚鳥閒。又聯曰。鑑香晝靜芸編展。花海春深竹檻清。殿西有室三楹。北嚮。扁曰。

水一方。聯曰。從來多古意。可以賦新詩。又聯曰。緗帙氤氲映。晶簾澹蕩低。北接

三楹。東嚮。扁曰。蘭室。聯曰。亭臺涵月鏡。花木暢天機。又聯曰。過眼寸陰求日益。

關心萬姓祝年豐。殿後南嚮。崇基臨下。爲趨臺陂舊址。亦曰南臺。高宗純皇帝

御筆。扁曰。瀛臺。東爲春明樓。西爲湛虛樓。中庭有木變石。石上恭刻高宗純皇

帝御題詩。

香辰前墀峙。稜稜勝國留。莫稽來所自。難悟是何由。風雨長林裏。荊凡大海陬。精華有獨得。氣味本相投。寧介榮枯意。還辭斤斧修。春明如續錄。文獻此堪求。瀛臺南。爲迎薰亭。高宗純皇帝御筆扁曰。對時育物。聯曰。相於明月清風際。只在高山流水邊。自翔鸞閣至迎薰亭。統名瀛臺。三面臨水。奇石花樹間列。巖壑曼迴。臺南蓼渚蘆灣。參差掩映。即南海也。

聖製瀛臺記。

恭見前編

聖製新正瀛臺詩

壬午

韶正郁靄瑞光浮。西苑行時偶燕遊。寶帖宜春金薤墨。綵屏延壽玉麟洲。萬年枝是彤墀植。六出花猶碧瓦留。百歲重熙人樂業。歡聲爆竹滿皇州。

聖製新正瀛臺書懷二首

癸未

萱門問安退。瀛壺閱歲來。日融水色暗。風拂柳稊開。淑景方徐釀。漏聲且謾催。盆椿馮五出。思到石湖梅。

宮牆近市廛。爆竹響聲連。帝里真稱富。荒村豈盡然。迴思遭潦地。更切望民天。慶賜雖乘令。中心祇益煎。

聖製正月二十九日瀛臺即景詩

癸未

御園鐙節度侵尋。有事還宮清蹕臨。路便瀛臺片刻攬。冰融液沼一篙深。盼來二月柳開眼。信遞羣芳梅啓心。敢曰對時春可樂。維王不易惕難忱。

聖製正月晦日瀛臺即景六韻

甲申

經筵尙遲日。西苑偶行春。底論一分去。聊爲片刻巡。笙歌却舟泛。詩句笑樓掄。誰見萼全落。恰欣蘚漸新。芳菲無遠限。蘊藉有良因。最好尋吟處。由來不染塵。

聖製瀛臺雜詠

甲申

祭罷瀛臺駐翠辮。更衣之便遂傳餐。乍聞柳處藏鶯語。真是花前走馬看。今日非關懶問景。暢春因欲敬詢安。試耕地已新苗茁。好在凌晨露氣溥。

聖製新正瀛臺詩

乙酉

問安之便出西華。咫尺南臺路不賒。纔隔旬餘新歲是。恰欣春曉景祺嘉。篆凝瑞靄貌噴霧。爆響平安樹綴葩。迎節綵檠惟卜晝。幾曾宮臘照紅紗。

聖製新正瀛臺即景詩

丙戌

外藩恩宴例新正。小仗黃麾度禁城。便輾冰牀液池鏡。先臨綺閣趨臺瀛。陽階綠意蕪將吐。溫室芳姿梅正榮。排次外廷待告備。偷閒聊作探春行。

聖製仲春瀛臺詩

丁亥

祭罷迴鑾路轉西。趨臺仲月曉寒淒。池餘冰雪春猶淺。架列詩書古與稽。向以問安過翠蹕。茲因進講駐彤閨。向來祭社稷壇禮成皆至瀛臺更衣即詣暢春園請皇太后安茲以次日經筵因於宮中多駐一日偷閒偶此尋芳景。却是韶光尙有俟。

聖製仲春瀛臺即景詩

戊子

經筵撰吉略需時。有暇仙瀛攬結宜。樓出輕烟橫翡翠。池生新水澈琉璃。雪融未盡山一幘。雲布方濃天四垂。不雨無妨雨更好。因知知足是誠誰。

聖製仲春瀛臺詩

庚寅

右社昨承祭。明當御講筵。宮中有餘暇。西苑此周旋。池玉冰融水。隄金柳搖

去聲

煙。興心共農父。舉趾可于田。

聖製新正瀛臺詩

壬辰

紫閣春筵待備陳。趺臺憩賞啓韶新。殿屏綵燕吟將嬾。苑樹花梅望已頻。也識土猶潤碁罫。却嫌風每送魚鱗。陰晴課量從頭切。此責惟吾敢諉人。

聖製瀛臺雪景詩

壬辰

密飄細灑夜連曉。咨起居餘到趺臺。望遠瓊樓彌漠漠。積深水浦浩皚皚。座宣卿貳籌幾務。陣閱駕鵝掄軼材。

每多太液冰堅令八旗與內府三旗簡習冰嬉之技分棚擲采毬互程趨捷並設旌門懸的演

射用嫺步伐止齊之節皆輪番閱視按等行賞以爲常例

行賞勵勤資卒歲。豈徒玩景此頻來。

聖製仲春瀛臺即景詩

丁未

視朝講學胥蒞禮。三日猶遲齋坐遷。有暇趺臺試遊豫。無何太液漾淪漣。苔茵

陽砌綠烘旭。柳線橫隄黃染烟。瞥眼補桐讀書處。補桐書屋爲余少時讀書之處。庭有雙梧其一爲風雨所

摧乾隆甲子歲命奉宸補植之因顏以今名迴憶當時典學綠陰中靜觀佳興已六十餘年矣對來喬木古稀年。

聖製仲春瀛臺即景詩 戊申

右社躬禋戴禮成。遂臨西苑祭衣更。載陽仲月欣佳景。素尚雙文仰聖情。素尚齋數

典避暑山莊皇祖所題額是日傳膳視事於此隄柳梳風黃欲綠。盆梅培雪澤爲榮。驛章裁奪那知倦。

今日接福康安奏審訊林爽文及籌往南路擒拿莊大田情形並各省奏摺頗繁纖細俱經裁奪雖披閱移時而矢願孜孜亦不以爲倦也纖細胥

存公與明。

聖製仲春瀛臺即景詩 庚戌

右壇禮戴祭衣更。例向瀛臺取便行。青瑣彤闈齋未久。紅桃綠柳治相爭。風光

麗矣仍含潤。詩句宜哉祇愛清。明日東巡應啓蹕。所欣歷歷閱春耕。

御製瀛臺晴泛歌 戊午

循南岸登寶月樓。憑眺指掌俯皇州。皇州春色看已滿。連雲甲第瑞氣浮。聖製